

KENYATAAN MEDIA
UNTUK SIARAN SEGERA

PHARMANIAGA TINGKATKAN KAPASITI LOGISTIK DAN EDARAN DI WILAYAH UTARA

PULAU PINANG, 6 JANUARI 2023 – Pharmaniaga Logistics Sdn Bhd (PLSB), anak syarikat milik penuh syarikat farmaseutikal terbesar di Malaysia, Pharmaniaga Berhad (Pharmaniaga) hari ini telah merasmikan pembukaan pusat logistik dan edaran baharunya di Pulau Pinang.

Pusat logistik dan edaran baharu yang terletak di Kawasan Perindustrian Prai, Fasa 4, ini merupakan sebahagian daripada inisiatif pemindahan pejabat pengurusan PLSB serta pengembangan kapasiti penyimpanan gudang yang telah dimulakan sejak April 2021.

Pengarah Urusan Kumpulan Pharmaniaga Datuk Zulkarnain Md Eusope berkata pusat logistik dan edaran baharu ini disasar untuk menambah kapasiti operasi Syarikat dan persediaan penyimpanan stok, bagi menampung permintaan perkhidmatan yang semakin meningkat daripada pelanggan di wilayah utara, terutamanya fasiliti kesihatan milik Kementerian Kesihatan Malaysia di Perlis, Kedah, Pulau Pinang dan Perak.

“Peningkatan kapasiti edaran dan logistik yang lebih efisien ini adalah selari dengan pertumbuhan perniagaan Syarikat. Di samping itu, kami akan menambah baik lagi tahap perkhidmatan logistik sedia ada supaya dapat memenuhi pesanan pelanggan tepat pada masanya di seluruh wilayah utara.

“Pusat edaran logistik baharu ini mempunyai sejumlah 3,500 palet untuk menyimpan ubat-ubatan terkawal dan peralatan perubatan,” katanya.

Datuk Zulkarnain berkata PLSB kini mengguna pakai Sistem Pengurusan Pengangkutan Oracle (OTM) untuk mengendalikan perkhidmatan logistik Syarikat, dan ia juga sebahagian daripada pertumbuhan strategik ke arah operasi berteraskan automasi dan digital.

“Kami turut berhasrat untuk meningkatkan lagi kapasiti penyimpanan stok bagi menampung permintaan yang lebih banyak daripada hospital dan klinik swasta dan juga Kerajaan di wilayah utara.

“Pada masa ini, kami sedang menjalankan kajian kebolehlaksanaan untuk membangunkan gudang kami sendiri di Sungai Petani, Kedah dengan kapasiti yang lebih tinggi untuk memenuhi keperluan perniagaan dan juga pada masa hadapan,” katanya.

Kapasiti pusat pengedaran logistik di wilayah utara bagi tahun 2021 telah meningkat dengan ketara kepada 180% berbanding tahun 2020. Bagi tahun 2022, pertumbuhan telah meningkat sebanyak 32% berbanding tahun 2021 dan 270% berbanding tahun 2020.

Pharmaniaga mempunyai lima pusat logistik dan edaran yang terletak secara strategik di seluruh negara termasuklah di Selangor, Pulau Pinang, Sabah dan Sarawak yang disokong oleh lebih daripada 200 kenderaan bagi pengedaran melalui udara, air dan darat yang memastikan penghantaran pintu ke pintu yang cekap dan tepat pada masanya. Di peringkat antarabangsa, Pharmaniaga telah bertapak di Indonesia melalui anak syarikat PT Millennium Pharmacon International Tbk (MPI) di Jakarta, yang turut menjalankan perniagaan logistik dan edaran farmaseutikal, serta tersenarai awam di negara itu.

Pharmaniaga adalah sayap perniagaan farmaseutikal untuk Kumpulan Boustead Holdings Berhad dan bersama-sama Lembaga Tabung Angkatan Tentera, merupakan pemegang-pemegang saham utama Syarikat.

-TAMAT-

MENGENAI PHARMANIAGA BERHAD

Pharmaniaga Berhad adalah ahli Kumpulan Boustead dan merupakan sebuah syarikat perkhidmatan kesihatan bersepadu yang terbesar di Malaysia. Tersenarai di Bursa Malaysia, teras perniagaan Kumpulan Pharmaniaga adalah logistik dan pengedaran produk farmaseutikal; pembuatan produk farmaseutikal generik dan peranti perubatan; pemasaran dan jualan; penyelidikan dan pembangunan; pembekal dan pemasangan peralatan perubatan, serta farmasi komuniti. Dengan kekuatan dan kepakaran merentasi rantai perkhidmatan kesihatan, operasi perniagaan Kumpulan Pharmaniaga berkembang teguh di Malaysia dan meluaskan pasaran dengan membina tapak di Indonesia dan Vietnam, sekaligus mengukuhkan kedudukan syarikat sebagai peneraju serantau dalam arena farmaseutikal antarabangsa.

Dikeluarkan untuk Kumpulan Pharmaniaga oleh Jabatan Komunikasi Korporat, Pharmaniaga Berhad. Untuk sebarang pertanyaan, hubungi Dato' Najmuddin Abdullah di talian 019-3387777, emel najmuddin@pharmaniaga.com atau Dato' Zuhri Iskandar Kamarzaman di talian 03-3342 9999 samb. 434, email zuhri@pharmaniaga.com.